

者也科第蟬聯以文駿業
指不

勝屈咸稱為一邑之冠云
聖門汪

氏與劍峰汪氏均為綠公
嫡裔綠

公遷遂巔末備載舊譜
其名贅述

惟聖門之遷則自達遷二
公始達公

兄弟三人長邇公遷南京
達遷同

居墅門其由墅門而遷至十三都


視坂者為逄公六世孫京松公也

其由墅門而遷至十五都霞川者

為逄公八世孫存仲公也譜牒之

修自綠公曾七八南十誥公遷遂

論源以朱一修於前明正德云



戊辰再修於嘉靖之己酉

國朝乾隆十五年庚午自

松科

穗三公統修以迄迄今又幾百年


此百年中為生為育為嫁娶為卒

葬者更僕難數若再遲之又必

玉烟消雲散無可忝稽桂等者

王氏六譜
卷之二首
新序
三
天祇堂

具於此因邀集棧板霞川二派彙
相修輯經三月而功告竣予披閱
全冊凡其編世系則繩貫而珠聯
繪像圖則星羅而碁布 王命必
錄則尊 君之義以明懿行必書
則勸德之意以厲舉百年中之事



蹟考証詳明毫無罅漏蓋所以
承先者在此所以啓後者在此行
見雲仍似續繼起有人歲星諸公
安在專美於前不復再見於後也
哉予嘉其志不忍拂其請遂題
數言於簡端是為序



皆

道光二十九年歲次己酉小春

賜進士出身

欽點翰林院編修

梅城安甫弟張廣居拜撰



平陽魏汪氏宗譜總目錄

卷之首

新序

卷之一

舊序

奉籍歸旨表

誥勅

卷之二

凡例

家訓



家規

祭儀

祭文

譜說

修譜五難

修譜五法

續緒譜牒

世華公出身原由

垂裕錄

古邱銘



信圭九子圖

支譜叙首

分支派考

古世系圖

卷之三

綠公派下世系圖

卷之四

逕公派下世系圖

卷之五

卷之五



古傳記

卷之六

像贊

廟圖祠圖

墳圖墓誌

永承堂記

里居八景四景記

傳序行實

領譜字號

續修譜名目



舊跋

新跋





書

疏

論

中

疏

論

論

論

論

論

汪氏奉詔修譜序

唐貞觀六年更奉明詔齊貴賤之由來品宗源之優劣德懋懋官功懋懋賞自周宣而下至於西漢沿及晉魏史籍所載列于秘閣開源不惑數代無疑牧守建撫之榮含香握蘭之望詳諸傳記列爲宗序分封劄於周公姬旦承宗派於成公黑肱定姓始於汪侯治譜原於晉室枝葉相承代居簪紱或騰芳周室或著善秦朝冠冕蟬聯世稱良最及漢建安之初十三代祖文和公用墨紱從仕越之會稽遂居江左我唐奮興乃命高士廉等索天下譜牒檢正真僞某宿衛京師乃修舊譜請諸進奏而叙其始末以識豈唐貞觀六年戊子冬十一月二日歙州汪世華序

汪氏宗譜序

竊聞龜圖啟字爰標紀代之書鳥篆開文先著世家之錄莫不輝洪
源于往詁煥烈祖于前經將二曜以前趨逐四時而並運尋流乃知
其始摘藎必識其根厥緒燦然可得詳矣后稷受籙啟神邦於有邰
西伯君岐奮戎衣而克受周公輔子明辟伯禽剪伐戎夷畀五等之
上公監百里焉曲阜成公支子分封平陽食采潁川汪氏之繇實基
乎此暨漢建安之世祖文和值宰會稽因茲攀卧遂爾淹留或新都
而築室或宣歙以開家遷徙無常宗支漸遠茲故續書譜牒庶易尋
源爰自周漢迄于今代英名婚宦罔有斷遺冀萬古傳芳千齡不朽
耳唐開成四年己未孟冬一日波江後十九世孫芬序

汪氏宗譜序

有聞於嘉熙開慶間令宗臣繕寫一本好事者借而不還復借先伯祖容堂公手編譜染而襲藏之伏覩手書十八府君延之命惟厚惟瞻而論之曰我兵馬使道安公由歙來守是邦今已五六世矣中間遭黃巢五季干戈之餘家譜得以獨存幸也吾生於有宋年已四十五矣而時和年豐坐享生平之福嘗欲編考譜錄一書以貽子孫近嬰疾恐難去體汝二弟在學未能諳力汝兄弟可重加審訂補以遺脫增入後代詳著各房分支處所度後世有考焉二子庭唯惟謹越數月而書成但不記其歲月爾又鱗溪老人仔所譜脩載歷代塔宦生死年月墳墓跋於尾云余恐後世子孫不識宗派故具於左我祖

汪氏宗譜序
侍御史師全戶在歙布政鄉歸化里宅在王墓西山外甲側里世代
傳掌祖王誥勅兼守王墓二子道安道興道安故宅道安公大中
初爲兵馬使戍婺源迤邐分支衢之開化常山本郡休寧西岸及邑
之巖坑石田永泰五鎮孔師堂宗派遠矣實嘉熙三年六月十一日
也有聞稽之於譜燦然照白二尊所記其於尊祖敬宗之心至矣謹
錄於卷首而垂之不朽云宋咸淳辛未菊月初旬有聞謹言于睦肥
堂


汪氏宗譜序

世以譜傳而不能以像傳然並以傳者必先人勲業著于當時道德
鳴于斯世乃能留其像與凡摹容雖盛不久皆以無譜之故也汪氏

之譜燦然可傳千百世而不朽子孫瞻先人之像續先人之譜而不
興起仰止之思者未之有也宋咸淳辛未菊月初旬文天祥拜譔

汪氏宗譜序

汪氏爲新安著姓國史家乘紀載備矣澤民曷敢贅以骯髒傳會之
辭然不修譜則族屬易以疎昭穆易以紊尊祖敬宗何由反古而推
焉唐大中初兵馬使諱道安總戎來鎮婺源實生三子長曰源居還
珠里次曰瀆居大坂之鱗溪三曰淦早卒還珠鱗溪皆在婺源子姓
日蕃且大散處他郡不賴譜則漠若途人矣今年六月澤民自宣城
展者來饒歛道出五嶺衣冠者宿數隱士率其群從僅二十人會於
族邸立談之頃歡然親愛如舊相識嗟乎此非人心天理不容自泯



者耶特以形氣之私汨而蔽之耳孰謂修譜無益哉今譜之修則族
之秀曰某者且兵馬墓武口雙溪上松柏摧毀塋域復疆是又吾宗
一盛事也并識首簡以示將來云元至正六年丙戌九月丙午忠烈
裔孫加議大夫禮部尙書澤民百拜謹書

汪氏宗譜序

嘗讀淮安侯譜表所述而至于潁川以及渡江之派咸出我越國公
所修之譜其支派之首序曰派同源遠室邇人踈旣又以無亡族譜
之戒終焉千載之下伏而讀之不勝感愴真有以仰見我顯祖純孝
之心而慮一本漸遠千流萬派莫之統焉若有爲今己之統譜設者
夫潁川以下七派渡江以後一十三派而今八統譜者無幾則派遠

而遺者已見于唐世而譜之當修亦已出于顯祖當時之心矣凡我
後人而不知敦本合族之爲重者其殆無見于斯歟元至正六年丙
戌九月丙午忠烈裔孫加議大夫禮部尙書澤民百拜謹書

汪氏宗譜序

予同年進士陝西大方伯汪君希顏以家乘視予曰此吾汪氏所藏
而進之所修也請爲序按汪氏出黃帝之後至后稷爲姬姓伯禽封
於魯傳至成公黑肱之子名汪食采平陽卒葬潁川孫誦以王父名
爲氏後有曰錡者死于郟之戰諡烈侯曰文和漢獻帝時爲龍驤將
軍渡江南居歙州曰旭晉成帝時封淮安侯曰叔舉爲齊司馬以兵
鎮歙乃世居新安子勲明梁武帝時封戴國公曰華當隋亂保歙宣

杭睦婺饒六州後歸唐封越國公茲土宋元間累封昭忠廣仁武烈
靈顯王第七子爽爲岐王府兵曹曰師全累官國子祭酒殿中侍御
史曰道安爲唐兵馬使都虞侯鎮婺源仲子瀆累官殿中侍御史都
兵馬使戍婺之三吳鎮世以御史故稱端公曰中元始卽鎮之上流
鱸溪之大坂家焉後有曰絨者通春秋子敦詩世其業曰庭柱舉進
士廣德軍司戶參軍其在國朝爲希顏曾大父諱文亮兩舉茂才奉
使應天諸郡出冤獄蠲荒歲稅以功顯大父諱濡有隱德諱芬封承
德郎刑部山西司主事行義重于鄉三子長烜次藝希顏其季初名
焯後改名進蓋自得姓以來至于希顏凡七十有六世矣古者世國
世家代有譜牒晉成梁二年詔索天下諸譜淮安侯實表奏之唐貞

觀十二年復下詔越國公又奏之自餘若芬若延之若仔若瑜若慥
若斌若德馨若獻累世修輯并以累朝誥勅及碑誌序記詩歌附之
先世之遺詩文亦附之此家乘之所以名也派旣益衍不復修續者
四世希顏乃會其從兄廣東按察使文燦從侄雲南憲副舜民輩參
攷舊譜會祁休歛績并宣常池淮衢饒江浙等處諸族惟同出越國
者乃書出兵曹者詳之出端公者則又詳之居大坂者其詳尤甚而
詔勅以下亦以例續附焉於是譜得六始四疑一異六始者謂魯爲
汪氏受姓之始文和爲居江南之始叔舉爲歛之始道安爲婺源之
始中元爲鱮溪大坂之始絨及敦詩爲學春秋之始四疑者謂非汪
氏于汪芒非國于汪野平陽而非晉潁川而非許其說蓋出于松壽

海上海守詩 卷之二
一異者謂坑口諸汪非越國之族其說則出于德馨而成于斌夫譜之法莫大于知本尤莫要于究實故予所謂始者知本之論也所謂疑與異者究實之義也汪氏之乘其備于此乎孔子稱先代必徵於後裔文與獻之謂也汪氏之文臣武士碩德宏才載簡策刻金石者不可殫記而希顏經學宦績不失其世予於是有所徵乎其前而後來者不可以不慎也予族高祖希邁府君嘗同知婺源爲汪氏序記各一皆予家集所載亦徵之一事故予因希顏請附著于遺文之間亦庶几所謂世講者明宏治丁巳冬十一月朔賜進士第資政大夫太子少保禮部尙書兼文淵閣大學士知制誥經筵國史官會典總裁長沙李東陽序

汪氏垂範集序

昔濂溪謂文以載道弗貴虛車吾汪氏之文昉於晉淮安侯之上譜
表唐越國公之奏欵狀垂裕錄而大盛於宋元以迄今某間若顯而
學士澡教授克寬副將介然狀元應辰樞密澈制置使立信尙書大
猷澤民左司郎中庭桂春坊獻隱而古逸四友紫巖菊坡東湖見山
諸先正之文皆有載乎道也若累朝之制誥勅命無非褒忠表德之
詞又如異姓之癯儒碩學爲吾汪撰傳記銘贊詩文之類亦皆紀事
直書載道而聞風教第世遠人更厥文幾淪散不銀之梓何以傳不
朽而示來裔哉從叔祖大方伯止齋先生每注意續譜已請同年大
學士長沙東陽李公爲序未就而卒不肖讀禮之餘因竟其志上裒

舊譜遺文下搜當代之作刪繁就簡合於道者傳焉戾於道者缺焉
名曰垂範集世次列爲別卷噫此亦吾宗繼往開來一盛事也顧不
備歟然莫爲於前雖盛弗傳莫爲於後雖美弗彰吾汪文獻非有學
士諸公以開其源而又非吾方伯都憲寺正掌教邑宰同守副郎貳
卿少叅諸人偕諸兄弟叔姪輩以導其流則文獻寧不有隆替耶冀
自今以往凡吾宗若子若孫德行文學先正是儀則吾宗文獻相禪
於後者未艾也尙勗諸耆嘉靖四年歲次乙酉春三月之吉賜進士
第嘉議大夫右副都御史鱗溪汪鋹撰

重修汪氏家乘序

汪氏家乘洪武庚戌高祖貞一先生修輯之由親及疎統宗畢具于

今四世矣間有爲人冒其名而破其例訛舛殊甚不肖竊有是心而
奔馳宦轍未暇及此從弟陝西大方伯希顏已請同年進士長沙李
公東陽爲序有志未就而卒不肖歸閒林下蒐輯遐邇而重修之曰
汪氏家乘并類編其文翰爲垂範集祗告于家廟謹拜予而序之曰

我汪氏遠有世胄由越國忠烈王而上龍驤渡江潁川得姓汪芒汪
罔之疑潁川平陽之辨諸先達論之詳且明矣惟越國而下兵馬更
始居婺源端公始居鱗溪五傳而有八惟兄弟七傳而有八孫兄弟
支分派衍而我十三世祖畎上丈人一府君譜紹爲八孫之長夫人
朱氏韋齋先生從姑也生宋進士西京文學四友先生存鱗溪老人
仔存生貢元府君同同生國諭府君坻夫人朱氏晦庵先生從妹也

生安善先生十三府君欽宋嘉泰壬戌遷浯溪又爲浯溪始祖生九
府君瀛十一府君洽十二府君濟是爲浯溪三支九府君四傳而有
我六世祖南山府君生高祖貞一先生高叔祖樞密院判自越國十
三世居婺源婺源再世居鱸溪鱸溪十世居浯溪浯溪之居十二世
若元季擾攘高祖兄弟起義兵安民樞判公以忠死節歷官淮南左
丞追贈推誠效節輔國功臣平陽郡公光昭史冊先後以死從事者
若僉都元帥啟明民兵鎮北認賢帥府都事克明宣武將軍叔進公
等貞一先生被徵爲左春坊承直郎輔高皇受太子經先伯祖良士
先生繼第承樂甲申進士曾伯祖思原兄弟旣承家訓後授業東山
趙先生先大父暨先人贈中憲大夫成都府君皆有隱德以亢宗宗

先達若判簿仲覲司訓士幹及秋閣叔良則明松崖梧山梅磻諸先生克承四友家學而士積翁衛其祖于兵難以孝孫稱皆浯溪三支之後者也等而上之鱗溪老人之後若古逸先生著書立言貞一先生實受業焉是爲同祀一府君次八絲兄弟二公絨嗣胤尤盛居鱗溪亦有分居浯溪者曰文學翁璇與四友先生爲同時以麟經發解若烟村西岩菊坡屏山東湖見山海樵諸公皆儒之最者而科第聯絡則參軍存畊翁之後自方伯希顏振其端大理寺正守貞副都御史從仁都察院司務應明戶部員外宣之策繼之拔芳連茹未艾也次四公絜之後曰蘊遷六安黃栢田有宋乾道己丑進士仁甫次六公繪爲下村艾曰雲岩父子俱預亞選後今猶振次八公絨孫將使

介然以武功顯遷吉安次日緯公曰緯曰緯公俱無傳是爲八孫同
祖王府君元鳳者也等而上之同祀十八府君延之生四子長五十
府君惟厚生元鳳爲本支次七十公惟瞻爲畚田富甲鄉邑次八十
公惟慶良田萬畝財率倍之爲鄉里雄望選遷來安鎮孫洙好學有
子五人咸甲科第榮顯鄉邦淑居後村富而好禮後多顯者秀洲嘉
興縣尹東之江州都統司帥幹有常平江路教授元皇季良茅齋逢
源逢吉紫巖濟思諸先生世篤儒業而懋庵先生登洪武庚戌開科
進士歷官應天府七尹次九十公惟謹遷勁縣三傳而有宋進士奉
政大夫洙四傳而有顯謨閣學士迨五傳而有吏部尙書大猷冠孟
蟬聯簪纓世繼又次爲同祀藍田府君敬逢生延貴延之延貴生四

十公惟政遷嶺南下坦支諸支下坦遷安豐者生宋端明學士沿江
制直使立信次惟原惟興惟靜皆三世不書矣此家乘之所叙者也
近而有後者不敢遺遠而與會者續其世次不相聞者譜其舊同祖
中元端公而上則有舊譜存未及再續也茲謹以先高祖之舊譜間
有紊于後人者辨其疑收其逸補其所未備詳于視而畧于諫敬宗
收族勉承先志焉嗚呼我汪氏文武忠孝作于前繼于後世德之說
信云盛矣自得姓之始卽有執干戈衛社稷者見與于夫子渡江以
來當叔季擾攘則有仗義汪氏者以立武功當文明盛治則有興學
育才著書立言巍科膺仕者以顯文學而越國兵馬端公生平禍亂
沒爲明神宋之中興武有介然宋之將終忠有立信元季擾攘則我

高祖兄翁仗義保民克繩祀武焉當宋全盛之時畷上丈人建四友堂以育才四友先生既師呂廣問先生以私淑河洛之傳而四友堂記又作于晦翁先生師友姻婭吾家文風實由四友而振當時若胡公伸王公炎輩出皆及門之士家學相承造詣深極迨我高祖兄弟維擾攘起蒙之時建商山閩山義學以訓洲里子弟建知本永思二堂以祀先祖訓宗族子弟復能振四友之緒文武忠孝蓋兼得之猗歟盛哉迨際我朝沐列聖涵養之恩托祖宗流蔭之澤以經學登科第際顯融及抱道藏修高風卓綺尤莫盛于今日維以奎之不肖然幸竊服先訓繳祿明時兢乚焉惟懼忠孝有違家教是辱維然源乚者源長膏沃者光燧我汪氏世德培于前而繼于今日者固已厚矣

誌曰先祖是承又曰保艾爾后凡我族人觀斯而興起相與益培其
根以達其枝詩書忠孝流澤無窮庶無忝越國端公神明之曹春坊
樞密忠孝之傳而譜不徒修也哉必徒以閎闕相誇而爲觀善之具
也若夫所謂明宗序別親疎正彝倫以厚風俗之道則有先祖垂訓
懽惻詳明余不復贅皇明正德戊辰冬十月之吉賜進士第嘉議大
夫都察院右副都御史春坊貞一先生五世孫奎拜手謹書

汪氏宗譜序

通鑑綱目二書天下萬世之譜也然其始未嘗有譜自尙書著而義
以起春秋作而例乃嚴厥後左國史漢及隋唐諸書繼出而數千年
之事昭著發矇矣有宋司馬公編之爲通鑑而紫陽朱子次之以綱

目其義指規效誠盡善盡美焉若譜者一家之史也所以尊祖敬宗而戚萬禩如同堂已立者修之未立者創之賢子孫蓋有不能已者吾遂臧山汪氏乃前代潁川侯得姓之始祖而盛唐勅封越國公

之賢裔及至三十一世文和公爲龍驤將軍五十九世道安公原任唐兵馬使鎮都婺源因居其地六十八世綠公又爲吾邑縣令潔已仁民政績多端士民感仰遂留於邑西之論源子文遂公世居于此七十三世伯職公由邑庠鄉薦隱居不仕越至七十八世正二公丕振先志延師課子其子文鳳公天資明敏嘗序譜牒凡諸傳記履歷行狀秩然有序者皆公之力又六代潛公而生逾達逕逾遷南京達

嘗理嘉靖年間譜事原偕弟逕公遷居五里許是爲臧山其木本水

源之思亦深切矣夫汪氏甲於天下而居吾邑者其文臣武士碩德
宏才載在譜牒者不可殫述今臧山族漸大室漸盈而京科京松京
穗等咸思先代遺緒修續宗譜以傳後世其家殆正盛矣天道發之
遲而報之速名公巨卿行見接踵而起矣爲後裔者其拭目俟之予
稽世系始於子長而譜法詳于歐蘓後之精其學者更合二家而斟酌
之亦猶史之有通鑑綱目而已矣予以簡命出守寧武雖不獲
閱汪氏之譜而其令甥黃子立翁又爲予族弟誼聯秦晉與予稱道
其先代後裔至詳且悉固知汪氏之昌熾正未有艾也乃筆之於書
以應其請昔乾隆十伍年歲次庚午孟秋中浣之吉中憲大夫兼
署驥寧道前內閣掌握典籍中書舍人眷弟周景柱頓首拜撰

其後... 以獻其前... 其後... 以獻其前...

其後... 以獻其前... 其後... 以獻其前...

其後... 以獻其前... 其後... 以獻其前...

其後... 以獻其前... 其後... 以獻其前...

其後... 以獻其前... 其後... 以獻其前...

其後... 以獻其前... 其後... 以獻其前...

其後... 以獻其前... 其後... 以獻其前...

其後... 以獻其前... 其後... 以獻其前...

其後... 以獻其前... 其後... 以獻其前...



奉籍歸旨表

天欽州

臣

汪華謹頓首奉

表伏以乾坤革運

帝王有旨據地利之善便者當思

天命之攸歸

臣

本布衣強起山谷不忍盜賊戕害生民遂率一方相

與團聚依圖左右率屬歸心故能振之室姦鎮安境土撫綏黎庶

以俟定一今聞

應天受禪榮命肇基敢令宣城長史奉

聞

唐武德四年九月甲子日奏

封越國公誥奉



天命運

皇帝制曰門下汪華往因離亂保障州鄉鎮靜一隅以待寧晏識機
慕化遠近欵誠宜從褒寵授以方牧可使持節歙宣杭睦婺饒六
州諸軍事歙州刺史上柱國封越國公食邑三千戶主者施行

漢武帝四年九月二十二日下

御讚汪華容儀奉

天命運

皇帝勅曰聖王受

天行政教于天下必得其臣以輔之是以設官分職各有攸司焉故
州郡爲朕之鉛永禦武勇之人不能措刑極今照歙州刺史汪

華才德兼厚以服人能極廻地能治山民是擢爲六州都總管食
邑三千戶宜當恪守乃職恪勤乃事汝往

欽哉毋替朕命王者施行

唐武德六年 月 日下

宋朝加封信順顯靈英廣惠王誥勅爵封極于真王顯美至于人字

名數之異神人共宗厥今郡縣之祠均被國家之寵爲民之意視

古有加徽州忠顯廟信順顯靈英濟王聰明以臨正直以一懷忠

抱義勵節表于唐朝捍暴禦災陰功著于歙水歷年滋久載德彌

芳華命服之煌于赫奕徽稱之懿尙祇茂渥益允靈威可恃封信

順顯靈英濟王




宋乾道四年三月二十三日中書舍人梁克家行

元又宣封昭忠廣仁武神英聖王誥

上天眷命

皇帝聖旨喪禮不忘其初祀典蓋明于報施爵以馭其貴國恩何間
于幽顯况神于六州之民其功宜百世之祀徽州忠烈廟昭忠廣
仁武神英聖王生而先機之智役而及物之仁有感遂通無遠弗
届箕風畢雨陰陽聽其翕張黜水歛山春秋安其耕鑿益聰明正
豈而一者故水旱疾疫而禱焉爰易顯稱容光休烈尙體茲敬其
神明之意庶無忘陰隲下民之功式克顧歆以承殊渥可改封
昭忠廣仁武烈靈顯王主者施行



元至正元年閏五月二十九日誥下

宋朝封王之父母誥父贈瑩母鄭氏

勅徽州忠烈廟王父等朕覽黜歛父老之奏謂郡有神明能福其民既涉典顯王爵獨父母缺然未有名數恐非所以揭虔妥靈也通侯之封小君之號並加褒典告于神祇永閱其休可封王父世惠侯王母協惠夫人

宋慶元五年九月二十二日中書舍人吳宗

宋加封王父母誥

勅世惠侯朕撫有四海懷柔百神矧茲右歛之山川近按衡都之壤地能爲民庇可後封榮惟爾克家鍾慶于子蔚有功烈既久彌

注曰定計 卷之一
彰凡茲祈禱無遠弗届推本所自巳錫命章載稽輿言益昔顯號
默啟王靈之祐益昭廟祀之光可特封世惠垂現侯

勅協順惠夫人神一裡直惟正直之風父母俱榮當慰尊親之奉
惟忠顯之世貺侑協順之原妣同堂不易于生存千載未忘于幽
賚既從民欲並錫封榮茲侈王靈申加褒典正期嘒響共此晏娛
可特封協惠贊祐夫人

宋嘉泰元年六月三日中書舍人邵文炳行

宋封王夫人錢氏誥

勅夫人錢氏生自名門作配于神廟食葬凡神之威靈恒赫亦惟
爾爲助之賢矧水旱有禱其應如響今神以王爵之崇而爾未及

封甚缺典也肆頒明命以從民禱請以稱一方敬事之意可特封

惠夫人

宋乾道五年六月六日中書舍人汪行涓

宋加封靈惠助善夫人

勅惟神人之靈有功于民則祀而禮所載凡婦人之爵從夫榮寵所加幽明罔異厥今黷水夙載明神顧其庇民之深繫爾作配之助申以命號媿于王封益慰邦人式嚴廟食可特封靈惠助善夫人

宋慶元五年九月二十二日中書舍人吳宗旦行

宋再加封靈惠助善協順夫人誥



注正
卷之
勅神順乾剛率本陰陽之義婦從夫爵式均幽顯之宜惟爾作配
于神廟食茲顧乃應期之福繫爲助之功載覽奏神妥申命號從
民之欲朕何愛于龍章依人而行爾宜稱于敬事可特

封靈惠助善協順夫人

宋嘉泰元年六月三日中書舍人邵文炳行

宋封八侯廟額牒

尚書省牒徽州忠助廟禮狀准都省批送下江東轉運司奏據徽
州申據歙縣申據父老胡立等狀伏覩本里龍井山入郎君廟凡
郡有水旱民有災疫祈求無不感應乞封立廟額本司尋委旌德
縣主簿郝升卿體究委實靈應保名指實尋行下太常寺勘會據

本州申今來江東轉運司保奏到八郎君祈禱靈應合先賜額本部依太常寺中到事理施行更取自期廷指揮牒奉勅宜賜忠順廟爲額牒至淮勅故牒

宋紹興十年十二月 日牒

宋勅八侯誥

勅忠廟某王之子忠助廟侯等朕之諸神視而賞必延于世神有

受職於朕者能禦民災功載典祀亦豈不欲榮子哉攷諸典常諸爾受爵爲列侯矣茲從民請各崇封號爾其益閔有所靈其庇斯土以承

天子休命可依前件


宋慶元五年九月二十二日中舍人吳宗旦行

宋理宗封昭忠廣仁顯聖英王誥

奉

天承運

皇帝制曰王爵居六等之先式彰修德神封至八字而止其載彝章
若屢著於陰功則當更其美號徽州烏聊山忠顯廟神昭應廣
祐顯聖英烈王生也沉毅沒而昭明慕化識機名位已都于前
代禦災捍患靈祠遂顯于皇朝郡久恃以爲安人有呼而輒應
霸國之山川如舊烏聊之影響常新茲觀多士之忱辭欲廣一
家之勲典禮由義起人欲天從律合有司思徽已洽于四世願



瞻王廟寵榮可後于一身其因故稱易舁二美朕惟忠者臣之節
歷萬古而長存仁者心之德溥六合以流行絜爾之休於斯爲稱
神哉沛瞻容與相雲車風馬之臨靈旣享錫吉祥增練帶花屏之
勝可特更封昭忠廣仁顯聖英烈王

宋寶祐六年正月十一日下

勅七十世肇甫公征功誥

投在院判下充民兵因老次男良佐又名興祖替役于丁酉年歸
附鄧元判下從軍庚子年撥王耐馬下選充小旗丙午年跟隨

太祖高皇帝征戰淞江等處陞摠旗洪武三年庚戌調撥江陰衛總
旗丙辰年跟李平章征進一伯靈入度身故牌拘軍舍良遠替職

因良遠客外次男子高傾名補克小旗跟隨構海侯備倭往湖州
回營過年出海運遼東糧有功屢併鎗得勝陞本衛中所摠旗後
蒙勘年深軍全摠旗有功洪武二十四年蒙

兵部官引於

華益殿奏

欽除直穎大倉衛中所世襲百戶補填前任百戶劉志員缺洪武二
十五年

欽受箕字四十四號

誥命一道奉

天承運

皇帝勅曰昔者聖王之治天下也必資威武以息黔黎未嘗專修文
而不備武朕時倣古制設武職以衛武功受斯任者必忠以立身
仁以撫衆智以察微防奸禦侮幾無暇時能此則榮及前人福延
後嗣而身家永昌矣敬之勿忘

海
...
...
...
...

元
...
...



譜表

唐太宗貞觀十二年戊戌越國公華上譜表臣華上言奏上奉明詔
責臣家狀姓譜齊貴賤之由來品源流之優劣德懋懋官功懋懋賞
臣伏閱舊譜分封創於姬旦得姓始於汪侯枝葉相承代膺簪紱或
騰芳周室或著義秦朝冠冕蟬聯悉稱良最暨漢建安之歲臣十三
任祖文和榮不墨綬治在任承承遂升左牧守建撫之榮令書握蘭
之望源流不惑代次無疑如臣何功蒙恩再錫信圭授左翊衛白渠
府統軍以備宿衛臣今謹繕寫一通具婚姻職狀進奏以聞臣華誠
惶誠恐稽首頓首謹言

按語

按唐太宗時崔盧李鄭諸族矜負世望子孫雖衰他族欲與爲婚姻必多責財幣人謂之賣婚上惡之貞觀十二年詔高士廉韋挺嶺文本令孤德恭編責天下譜牒質諸史籍考其真僞進忠賢退悖惡先宗室後外戚右膏梁左寒畯專以今朝宦爵品秩爲高下合二百九十三姓一千六百五十一家爲九等號氏族誌

唐元宗開元五年丁巳族望勅

唐元宗開元五年考定從前至今族望先奉勅旨四海望姓家永徽六年考二十六姓與諸姓不同各得出處遠近其乾封元年君羨考定至今依令

武陽李

滎陽鄭

隴西牛

并卅郭

上黨陳

河西汪

定皇甫

中山鮑

河間劉

鴈門夏

右件十姓爲國之柱

武陽賈

白水張

扶鳳馬

京南葉

陳留王

馮翊趙

蒙扶水

冀趙蕪

京兆杜

河內荀

梁山鉅

南陽何

嶺南龐

安定胡

高陽許

南陽侯

右件十六姓爲國之梁

勅旨天下諸州百姓婚姻不同者價納不依詔處分者准勅合徒二
年諸餘可結爲婚姻者一百五十改之王者施行

開元五年四月八日下

追封爵號

初封基福侯

寶佑六年正月十一日中書舍人陸粲行

再封基福昭佑侯

景定五年六月二十九日給事中牟子才行

夫人封號

初奉基善夫人

寶佑六年正月十一日中書舍人陸粲行

再封基善衍佑夫人

景定五年六月二十九日給事中牟子才行

宋封二字侯誥

勅徽州昭應顯靈英濟王祖考等國家於執政大臣冊命之始疏息
鋤爵遠及其尊祖顯祖顯考之廟所以教天下不忘其本也越國汪
公顯於唐代至本廟而廟祀益嚴水以源深而流派長木以根本而
枝葉茂越國一家膺王之封久矣而祖考妣未有以致崇極之至幽

明一道獨無歉乎其以徹侯小君命之爵命往告於庭訓爾子孫大庇我民如生之日可特封祖考靈慶侯祖妣靈裕夫人

淳祐元年六月十五日給事中錢相行

追封爵號

初封靈慶侯

淳祐元年六月十五日給事中錢相行

再封衍慶靈佑侯

寶佑六年正月十一日中書舍人欲榮行

三封衍慶靈佑廣濟侯

景定五年正月廿九日給事中牟子才行

陳夫人封號

初封靈裕夫人

淳祐元年六月十五日給事中錢相行

再封衍慶靈裕夫人

寶祐六年正月十一日中書舍人欲榮行



三封衍慶靈裕協佑夫人 景定五年六月廿九給事中牟子財行

宋封二字侯誥

勅徽州忠顯廟侯順顯靈英濟廣惠王父等朕覽黟縣父老之奏謂
郡有明神垂庇其民既陟祀典顯受王爵獨其父母缺然未有命數
恐非所以揭處妥靈也通侯之封小君之號並加褒典告於神棲夫
民心之敬事朝廷之假寵至矣益庇厥予永寵其休父母特封世惠
侯協惠夫人

慶元五年九月二十二日中書舍人吳宗召行

宋封四字侯誥

勅徽州忠顯廟信順顯靈英濟廣惠王父世惠侯朕撫有四海懷親

百神矧茲古歙之山川近接行都之壤地式爲民庇可後封榮惟爾
克家鍾愛予子蔚有功烈旣久彌彰凡茲禱祈無遠弗届推本所自
已錫命章載稽勲常益進顯號默啟王靈之佑益昭廟祀之光可特
封世惠垂貺侯

勅徽州忠顯廟信順顯靈英濟廣惠王母協惠夫人人神一理直爲
正直之依父母俱榮當慰尊親之奉惟忠顯之世祀侑協惠之先妃
同堂不異於生存千載未忘於幽贊旣從民欲並錫爾封茲侈王靈
申加褒典正期朕饗共此歡娛可特封協惠贊佑夫人
嘉泰元年六月三日中書舍人邵文炳行

追封爵號

初封世惠侯

慶元五年九月二十二日中書舍人吳宗召行

再封世惠垂貺侯

嘉泰元年六月三日中書舍人邵文炳行

三封世惠垂貺善應侯

寶佑六年正月十一日中書舍人陸燾行

四世惠垂貺善應靈顯侯

景定五年六月廿九日給事中牟子財行

五世惠垂貺善應靈明侯

德佑元年四月廿日給事中王應麟行

夫人封號

初封協惠夫人

慶元五年九月二十二日中書舍人吳宗召行

再封協惠贊佑夫人

嘉泰元年六月三日中書舍人邵文炳行

三協惠贊佑善禮夫人

寶佑六年正月十一日中書舍人欲燾行

四封協惠贊佑善禮昭福夫人

景定五年六月廿九日給事中牟

子才行

宋徽宗封英濟王誥

勅朕惟稼穡之豐登由雨暘之備叙民所望矣疇實從之惟神正直靡私聰明悉鑒作廟樂土詒福一方其惑以誠有膺如響典茲嘉澤助乃康年念有利於農功宜疏思於褒典肆頒書命用答神麻寵以王封更其公爵益垂顧聽歆此顯榮可特封英濟王

政和七年十二月五日中書舍人趙野行

宋徽宗封顯靈英濟王誥

勅朕以慶賞之權馭封爵之炳獎於忠順罔間幽明徽州忠顯廟英濟王武烈之功久嚴方祀威靈之德能覺羗迷比昭鳳鳥之祥則弭

海山宗記 卷之二
干戈之勃雲雷順序山川廓清迺舊封肆加顯號俾民奉享恪恭
不忘相其豐年以蘓疲瘠繫神之祉厥惟休哉可特封顯靈英濟王
宣和四年六月二十八日中書舍人李回行

宋孝宗封信順顯靈英濟王誥

勅朕登秩諸神敬其明祀苟大災之能禦宜顯號之必加徽州忠顯
廟顯靈英濟王生以义旅保一方歿以陰功施百世取免殘而就
道昔屢著於靈威鷗羸疾以却不祥今復彰於懿績叅稽褒典增侈
閔休崇德報功固無殊於幽顯履信思順斯功助於天人尙體命名
益思受職可特封信順顯靈英濟王

隆興二年閏十一月二十一日中書舍人蔣芾行

宋孝宗封信順顯靈英濟廣惠王誥

係祁門縣請

勅爵封極於真王顯美至於八字各數之異神人共榮厥今郡縣之
祠均被國家之麗爲民之意視古有加徽州忠顯廟信順顯靈英濟
王聰明以臨正直而一懷忠抱義勁節表於唐朝捍患禦災陰功著
於縣水歷年滋久載德弭芳有革命服之煌於赫徽稱之懿尙祗茂
渥益亢威靈可特封信順顯靈英濟廣惠王

乾道四年三月二十三日中書舍人梁克家行

宋寧宗封昭應顯靈英濟廣惠王誥

勅凡有功著於一時必垂休於百世此廟食之無窮也然威靈氣焰
炳炳在人耳目而封爵未隆豈所以示揭處妥靈之意歟徽州忠顯

澤州府志卷之十一
廟信順顯靈英濟廣惠王聰明正直惠庇一方凡有所禱應如響答
比年雨暘時若五谷豐登實神之暘也肆加美號以示褒揚肸蠁之
間無忘嘉報可特改封昭應顯靈英濟廣惠王

嘉定四年十一月日中書舍人李揆行

宋理宗封昭應顯靈濟威信王

歙縣耆老

大猷請

勅王有忠稱者歿著靈蹟徽州歙州忠顯廟昭應顯靈英濟廣惠王
大業平寇遂保新安武德納欵就爲守將備歷顯爵生榮死哀血食
烏聊水旱應禱褒封疊累稱謁旣亟耆老尙有請焉朕嘉神之功從
民之欲其敢不易以徽號乎爾其顯歆益大陰隲可特改封昭應顯
靈英濟威信王

淳佑八年十二月日給事中徐鹿卿行

宋理宗封昭應廣靈顯德英烈王誥

勅惟神受職隨事見功周遊天地之間默佑邦家之慶況在近報必有崇褒徽州忠顯廟昭應顯靈英濟威信王宅彼新安食其舊德旱於某水於某蟲蝗于某備言爾功儒者流兵者流陰陽者流悉受其福定徽名而改畀因王爵而有光宜衍神休式孚衆志可更封昭應廣靈顯德英烈王

淳佑十二年九月二十八日給事中睦德輿行

宋理宗封應廣祐顯聖英烈王誥

勅徽州忠顯廟昭應廣靈顯德英烈王番君得江湖之心忠真存於

海山宗詩 卷之二 元正堂
甲令偃王棄大東之地仁施及於後人皆由文德之敷施俱致慶流
之綿遠粵惟忠顯實媿前徽霸業山河忍視將顛之隋室里閭圖籍
遠歸崛起唐之家觀處心積慮之間得君國子民之道既策勲于義
旅遂血食於新安逮至邇年累彰異蹟火因風而及焰能全闔郡之
万家水有時而回瀾不沒益城之三版此爲近効尤謂殊勲雖疏八
字之王封尙慊一方之民願用更茲號以稱厥靈烏耶雲嵐久闕千
古英靈之氣紫壇蓀壁永言兩峰香火之情可改封昭應廣佑顯聖
英烈王

寶佑三年三月二日中書舍人牟子才行

宋理宗封昭忠廣仁顯聖英烈王誥

勅王爵居六等之先式彰休德神封至八字而止且載彝章若屢著
於陰功當更其美號徽州烏聊山忠顯廟昭應廣佑顯聖英烈王生
也沈毅歿而昭明幕化識機名位已都於前代禦災捍患靈祠遂顯
於皇朝郡久恃以爲安人有呼而輒應霸國之山川如舊烏聊之影
響嘗新茲觀多士之忱辭欲廣一家之貺典禮由義起人欲天從律
命有司思徽洽於四世顧瞻王廟寵榮可後於一身其因故稱易畀
二美朕惟忠者臣之節歷萬古而嘗存仁者心之德溥六合以流行
繫爾之休於斯爲稱神哉沛澤瞻容與相雲車風馬之臨靈旣享錫
吉祥增練帶花屏之勝可特更封昭忠廣仁顯聖英烈王奉

寶佑六年正月十一日

宋恭宗封昭忠廣仁武神英聖王誥

勅赤壁之風胡爲而助順公山之木何自以皆兵茲非天幸之偶然
意有神助而至此徽州忠烈廟神昭忠廣仁顯聖英烈王生而烈士
歿則正神明德在民宜得通百世而祀陰功及物何止活千人之封
屬邊塵之未清致內寇之俶擾浸迫近境實繁有徒靈若降於雲中
臈遂驅於山左久矣英威之孔灼見於士庶之所陳方人心危疑之
秋倚神爲重則國家褒崇之典於禮亦宜易廟額之嘉名錫王爵之
徽號以昭異渥以答殊休噫惠吉逆凶蓋有同於影響禦災捍患尙
益著於威靈永孚於休大庇茲土可特封昭忠廣仁武神英聖王

德佑元年四月二十三日

元順帝封昭忠廣仁武烈英顯王誥

上天眷命皇帝聖旨禮不忘其初祀典益明於報施爵以馭其貴國
恩何闕於顯幽况神於六州之民其功宜百世之祀徽州路忠烈廟
昭忠廣仁武神英聖王生而先幾之智歿而及物之仁有感遂通無
遠弗届箕風畢雨陰陽聽其翁張繫水歛山春秋安其耕鑿其聰明
正直而一者故水旱疾疫必禱焉爰易顯稱庸光休烈尙其體茲敬
共神明之意庶無忘夫陰隲下民之功式克顧歆以承茂渥可改封
昭忠廣仁武烈英顯王

至正元年閏五月 日

宋封二字侯誥

勅徽州忠顯廟信順顯廟英濟廣惠王長子等並著靈績綽有父風
昔記以忠助廟額寵之矣徹侯有命朕不敢靳爾尙叙承霈渥其福
斯民可依前件

元道八年正月十八日中書舍人汪涓行

宋封四字侯誥

勅徽州忠顯廟聖順顯靈英濟廣惠王長子忠助廟忠惠侯等朕之
於神觀勞而賞必延於世神有受職於朕者主驅民災癘功載祀典
亦豈不欲勞其子孫哉參諸典常謂爾以父功封爲烈侯矣茲從民
請各崇封號爾其益閔有靈共庇斯土以承天子休命可依前件

慶元五年八月二十三日中書舍人吳宗召行

宋封六字侯誥

勅徽州忠顯廟信順顯靈英濟廣惠王長子忠惠正助侯等祀紀有
功固應守職賞嘉延老尤貴迨賢今古所書幽明一理惟爾之父大
庇吾民廟食一邦勲封千載彼旣顯雲嵐之異爾亦瞻能井之靈乃
因通侯申賁顯號爰及俶儷亦列小君顧益舉於邦家益增華於廟
祀朕惟無負尙克孚休可依前件

嘉定元年六月三日中書舍人邵文炳行

宋封八字侯誥

勅徽州忠顯廟昭應廣佑顯聖英烈王長子忠惠正助昭慶侯等霸
國山川久矣一字之秩祀家廷劍佩異哉九子之駢芳天開奕世之

源流地表千秋之英傑功德溥溥並惟是父是子之忠士胄依依當
念有德有功之報既云幹蠱而用譽敢後允國而襲封所冀靈式歆
改飾可依前件

寶佑二年三月一日下

追封爵號

初封忠德侯

乾道八年二月十八日中書舍人汪

涓行

再封忠德順助侯

慶元五年八月廿三日中書舍人吳宗召行

三忠德順助廣休侯

嘉泰元年六月三日中書舍人邵文炳行

四忠德順助廣休協貺侯

寶佑二年三月一日給事中孫夢觀行

五封崇和公

寶佑二年正月十一日中書舍人陸燦行

六封崇和衍烈公 景定五年六月廿九日給事中牟子才行

夫人封號

初封濟德夫人 嘉泰元年六月三日中書舍人邵文炳行

再封濟德協應夫人 景定五年六月廿九日給事中牟子才行


附公母龐夫人封號

初封柔肅夫人 寶佑六年正月十一日中書舍人陸燦行

再封柔肅順濟夫人 景定五年六月廿九日給事中牟子才行

勅命


勅衙前都虞充三吳鎮將汪瀆素懷贍勇善習戈挺破敵每為先鋒
臨陣嘗願盡節功勞備顯須議獎陞茲特進爾階銀青光祿大夫檢



海山集卷之十一 五形堂

校太子賓客上柱國團練討擊使殿中侍御史都知兵馬使義烈難
酌功忠有素爾能堅心銳志破敵摧寇可依前授王者施行

光啓三年八月六日



信字號

